

# Te Hunga Hauā Māori me ō rātou whānau

## He moemoeā mō te Hunga hauā Māori me ō rātou whānau

Kia eke te pai o te noho me te ora ki runga tonu i te taumata pai

- > Kia whai wāhi, kia takoha nui hoki ki te ao Māori
- > Kia whai wāhi ki ō rātou hapori pēnei i ngā tāngata katoa o Aotearoa

## Te Kaupapa

- > Ka eke te pai o te noho o te hunga hauā Māori ki runga tonu i te taumata pai, mā te tautoko mai o te whānau, me ngā ratonga tautoko hauātanga whai take.

## Ngā mātāpono arataki

### Te whakamana i te hunga hauā Māori

- > Kia noho te rangatiratanga ki ia tangata, tae atu ki te mana whiriwhiri tikanga, me te mana whakahaere, mō ngā tautoko hauātanga ka whāia
- > Kia whakamanaia te noho kanorau a te Māori me ōna wheako hauātanga
- > Kia whakamanaia ngā tikanga me ngā whakaaro Māori
- > He tūranga motuhake tō te hunga Māori i ō rātou whānau, i ō rātou hapori matua

### Te whakanui i te whānau

- > Kia whakanuia te whānau hei rōpū tautoko matua mō te tini o te hunga hauā Māori
- > Kia āwhinatia te whānau kia tautoko i ngā whanaunga hauā

### Te whakamana i te hapori

- > Kia tōtika tonu te hiko kōtui me te whānau, te hapū, te iwi me ngā hapori Māori
- > Kia tino whai wāhi a ngāi Māori ki ngā mahi whakamahere, hora hoki i ngā ratonga tautoko hauātanga
- > Kia hurihia ngā waiaro o ngā whānau, o ngā hapū, o ngā iwi me ngā hapori kia tautoko i te moemoeā mō te hunga hauā Māori

### Te hora i ngā ratonga tautoko hauātanga whaitake, kia tiketike hoki te kounga

- > He ratonga tautoko hauātanga haumaruru ki te Māori, tapatahi hoki te wairua
- > Kia whakatairangatia te whāinga kia piki ngā putanga mō te hunga hauā Māori
- > Kia piki te mōhiotanga o ngāi Māori mō ngā ratonga tautoko hauātanga, me ngā huarahi hei whai
- > Kia ōrite te tohanga rawa ki ngā ratonga tautoko hauātanga e aronui ana ki te iwi Māori
- > Kia whakapikia te oranga ā-pāpori, ā-ōhanga hoki mō te hunga hauā Māori

## Te rārangi mahi matua

### Mahi Matua 1: Kia piki te ora mō te hunga hauā Māori

- 1.1 Me here ngā kaiwhakarato kia āta whakarite, kia tika ā-ahurea ngā mahere whaiaro mō tēnā tangata, mō tēnā tangata, kia tautuhi, kia whakatutuki hoki aua mahere i ngā hiahia ā-ahurea motuhake o tēnā, o tēnā (2012–17)
- 1.2 Me hoatu i te tōnuitanga o ngā huarahi tautoko hou mō te hunga hauā, kia tino hāngai katoa aua huarahi ki te hunga hauā Māori me ō rātou whānau, kia wātea hoki rātou me ō rātou whānau ki te whiriwhiri, ki te whakahaere hoki i ngā tautoko ka whakamahia e rātou (2013–14)

### Mahi Matua 2: Kia pai ake te tautoko mā ngā whānau

- 2.1 Me whakapakari ngā mahi whakangungu i ngā kaimanaaki kia taea ai e te whānau te toro atu ki ngā mahi whakangungu tika ā-ahurea, hei whakatutuki i ngā hiahia o te hunga hauā Māori (2013–17)
- 2.2 Me whakawhanake te Tauira Hou mō te Tautoko i te Hunga Hauā kia urupare ki ngā hiahia me ngā whakaritenga mahi a ngā whānau (2012–13)

### Mahi Matua 3: Kia pai ngā mahi kotui ki te iwi

- 3.1 Me whakapiki i te papai, i te tōmau, i te pai hoki o te whakatairite, o ngā pārongo ā-motu mō ngā āhuatanga taupori o te hunga hauā Māori, me ngā tautoko hauātanga ka horaina ki a rātou (2012–17).
- 3.2 Me whakapiki i te papai o ngā huarahi whakahihiri i te hapori mō te iwi Māori, otirā mō te hapū, mō te iwi, mō ngā kaihautū me ngā rōpū o te hapori (2012–17)

### Mahi Matua 4: Kia noho he ratonga hauātanga whakatutuki i ngā hiahia o te Māori

- 4.1 Me whakapakari ngā pūmanawa ā-ahurea o ngā kaimahi i te rāngai hauātanga mā te whakawhanake me te hora i te whakangungu hāngai ki ngā tikanga Māori (2012–17)
- 4.2 Me tautoko i te kāhui kaimahi hauātanga Māori kia pakari ake ōna pūkenga hautū tikanga, kia wātea hoki ngā huarahi i te ao mahi mō rātou (2012–17)